

han-hemen

Zhao Wei aktorearen etxeari harrika eraso egin diote


Zhao Wei aktoreak Wuhu hirian (Txina) daukan etxeari eraso egin zioten atzo, harrika. Duela gutxi *Fashion magazine* moda aldizkarian Japoniako banderarekin ateratu zen Wei; horrek, jakina, polemika eragin zuen Txinan. Duela gutxi, talde batzuek barkamena eskatzeko eskatu zioten aktore txinatarri. Aste honetan beste aldizkari batean agertu da, kasu honetan Ameriketako Estatu Batuetako banderarekin.

Russel Crowe, Australiako errugbia diruz laguntzen

Russel Crowe aktore australiarak herrialde horretako errugbi talde bati laguntza emango dio. Souths taldea nahikoa larri dabil diru aldetik, eta Crowek, hainbat jokalaritxatzeke, dirua jarriko du. Crowek bazeukan lehendik ere hala-nolako loturarik Souths taldearekin. Hain justu, haren aitak eta beste lagun koa-drila batek sortu zuten taldea.

Israelen kezkatuta daude, unibertsitate tituluak erosi egiten omen direlako

Azkenaldian kezka eragin du unibertsitate tituluengaiak Israelen. Izan ere, hainbat funtzionariok-eta tituluak erosi egin dituztela jakin dute, baita Armadako hainbat kidek ere. Unibertsitate titulua daukaten funtzionarioek eta soldaduek gainontzekoek baino lanpostu eta solda-



FRITZ REISS / AP

Sexu ustiapenaren kontra

Roger Moore aktorea eta Unicefeko enbaxadorea, Filipinetan prostituzio lanak egitera bortxatutako ume baten marrazkiarekin. Sexu ustiapenaren kontrako kongresuaren inguruan hitz egin zuen atzo aktoreak, Berlinen.



ECKEHARD SCHULZ / AP

Nazien esku egon zirenak gogoratuz

Jan Lauda eta Jaroslav Strych txekiarrak dira argazkikoak. Nazien kontzentrazio esparruan egon ziren, eta argazkiko agiriak erabiltzen zituzten orduan. Gai horren gaineko jardunaldiak egingo dituzte egunotan Alemanian.



LEE CELANO / FRANCE PRESS

Barbra Streisand saritu egin dute

Barbra Streisand saritu egin dute Beverly Hillsen, Kalifornian, «gizartearen alde eta justiziaren alde egin-dako lanagatik». Ingurumenaren alde, homosexualen alde eta beste hainbat mugimendutan lan egin duela-ko saritu dute.

ta hobia lortzen dute Israelen ere, eta horrek eragin bide du ustelkeria.

Brasilgo gutunek kafe usaina izango dute

Hemendik aurrera, Brasil-dik kanpora doan posta denak kafe usaina izango du. Brasilgo Posta Zerbitzuak kafe usaina daukaten zigilu batzuk egin ditu, Brasildik kanpora doazen gutun denek eramango dituzte zigilu horiek —kafegintzarekin lotutako marrazkiak dauzkate zigiluek—. Vera Regina Pilotto artistak diseinatu ditu, eta 1999an tankerako zer edo zer egin zuten Brasi-

len: orduan, erre usaina zuten zigiluak erabili zituzten posta kanpora bidaltzeko; era horretan, suteek hainbat baso erre zituztela salatu zuten.

Lanean hasi eta astebetera, greban

Turismo arloko 240 polizia joan den astean Mexiko hiriburuan hasi ziren lanean; handik astebetera, denak greban daude. Orduetegiak arautzeko eta komandanteak dimisioa emateko eskatzen dute. Mexiko hiriburura doazen turistek laguntzea da, batik bat, polizia horien egitekoa; baina, haietatik %80k ez dakite ingelesez.

hilberriak

ESKELAK

Gaueko 9ak arte hartzen dira



(0034) 943 300 222